



Մուրացան

Ռուզան

Արարված երրորդ

ԱՐԱՐՎԱԾ ԵՐՐՈՐԴ

Տեսարանը ներկայացնում է Խոխանաբերդ ամրոցի տակ՝ մի հովտաձև դաշաավայր՝ մի կողմից բարձրացած բլրակով, որի ստորոտում գարկած է գորապետի շքեղ ու ընդարձակ խորանը: Նրա մեջ նստած են Չոլա և Բուրանուին, ետևները կանգնած ունենալով մի-մի սպառազինյալ թիկնապահ: Խորանի հատակը ծածկված է գորգով, որի վրա ձգված են մի քանի թավշյա օթոցներ: Դրանցից մինի վրա չոքած է Համտունը: Չորապետի խորանից հեռու, դաշտավայրի երկարությամբ, գարկած են գորքերի բազմաթիվ վրաններ, որոնց մոտերքը անցուդարձ են անում զինվորներ:

ՏԵՄԻԼ Ա.

Չոլա, Բուրտ-Նուին, Համտուն, երկու թիկնապահ

ՉՈԼԱ. (Համտանին) Այո՛: Չալալ-Տոլան այս անգամ արդեն գործել է այնպիսի հանդգնություն, որը մենք նրան չի պիտի ներենք: Համարձակվել թաթարաց

գորքերը շարդե՞լ, այն գորքերը, որոնք իմ եղբոր՝ Չարմաղանի ամենաընտիր գնդերն էին կազմո՞ւմ, այդ աններելի է հավիտյան:

ԲՈՒԲԱ . Եվ հանդգնել մեր գնդապետներին բանտարկել յուր ամրոցո՞ւմ:

ՋՈԼԱ . Արդյոք ձեր լեռներում ի՞նչ էին մտածում մեր մասին: Մի՞թե կարծում էին թե՛ թաթարաց ուժը սպառվել, կամ նրանց սուրը հողի մե՛ջ է թաղվել:

ՀԱՄՏՈՒՆ . Ո՛չ այս և ո՛չ այն, պայծառափայլ տեր: Մեր լեռներում բոլորն էլ գիտեն, որ թաթարաց ուժը անսպառ է, և նրան սուրը՝ միշտ փայլուն և հատու: Միայն իշխաններն են, որոնք երբեմն թեթև հաջողություններից շլանալով՝ մոռանում են պարտ ու պատշաճ հարգանքը տալու թե՛ հզոր իշխաններիդ (գլուխը խոնարհելով) և թե մեծ խանին: Եվ եթե այդ իշխանների մեջ գտնվում են այնպիսիներն, որոնք ձեր մեծությանց գորությունը ճանաչելով՝ ծառայում են խանին հավատարմությամբ, դրանք էլ, դժբախտաբար, ծաղրի են ենթարկվում ստահակ իշխանների կողմից:

ՋՈԼԱ . Այդպիսի ջերմեռանդ և մեզ հավատարիմ իշխաններից մինը դու ես, հավատացած եմ:

ՀԱՄՏՈՒՆ . (խոնարհությամբ) Մինչև այսօր իմ պարտքից ավելի ոչինչ չեմ արել:

ՋՈԼԱ . Մեզ էլ հենց այդ է հարկավոր: Ով որ ճանաչում է յուր պարտքը, նա էլ վայելում է իրավունքներ: Մենք, իհարկե, չենք թողիլ, որ քեզ նման հավատարիմները ճնշվին ստահակներից: Մենք քեզ ոչ միայն կպաշտպանենք, այլև կհասցնենք բարձր աստիճանի: Քո հավատարմությունը մեզ հայտնի եղավ ա՛յն ժամանակ, երբ սուրհանդակդ հասնելով Սևան՝ գուժեց եղբորս՝ մեծ գորապետ Չարմաղանին յուր գունդերի շարդվիլը: Մենք իսկույն առինք մեր գորքերը և մտինք Արցախ: Տիրելով Ջալալի մի քանի գավառներին, այսօր ահա գտնվում ենք նրա ամրոցի առաջ: Այսուհետև արդեն դու պետք է մեզ առաջնորդես: Եթե քո խորհուրդը կօգնե մեզ՝ Ջալալի բերդն առնելու, այն ժամանակ ես նրանից կխլեմ Աղվանից բոլոր իշխանությունը և կհանձնեմ քեզ: Եվ որպեսզի դու այլևս հակառակորդ չունենաս, ես կգերեմ ինձ հետ այն բոլոր իշխաններին, որոնց ցույց կտաս:

ՀԱՄՏՈՒՆ . Պատրաստ եմ ծառայելու մեծափառ խանին:

ՋՈԼԱ . Առավոտվանից արդեն մեր գորքերը պաշարել են Խոխանաբերդը և մի

քանի անգամ էլ հարձակվել են նրա մատչելի կողմերի վրա: Բայց, ինչպես տեսնում են, ներսի դիմադրությունը բավական գորեղ է: Ասա՛ ինձ, որքա՞ն գորք ունի Ջալալն յուր ամրոցում:

ՀԱՄՏՈՒՆ. Հինգ հարյուր զինվորից ավելի չկա, բայց այդ էլ մեծ ուժ է, քանի որ նրանց կատավարում են փորձառու և ընտիր գորապետներ:

ՋՈԼԱ. Այսինքն ովքե՞ր:

ՀԱՄՏՈՒՆ. Առաջին՝ իշխան Հասան-Ջալալը, որ հուսաբեկ զինվորին իսկ հոգի է ներշնչում: Երկրորդ՝ նրա եղբայր ծերունի Ջաքարեն, որի մազերը սպիտակել են պատերազմների մեջ, և երբեք չի հաղթվում ա՛յն գունդը, որին նա առաջնորդում է: Երրորդ՝ Գուգարաց Սմբատ իշխանը, ու լեռնականների ահ ու սարսափն է: Չորրորդ՝ Ձորագետի Ներսեհ իշխանը, որ նշանավոր է յուր միշտ աներկյուղ, և նամանավանդ հանդուգն քաջությամբ, և հենց այս վերջինն էր, որ ձեր գունդերը ջարդեց Մռավի մոտ:

ԲՈՒԲԱ. Եվ մենք, ուրեմն, այդ վերջինին գլխատման կարժանացնենք, իսկ մնացյալները գերի վարվելով՝ կարող են մեզ ծառայել Սմրդանդի բաղնիքներում:

ՋՈԼԱ. Բայց ինչո՞ւ այդ իշխանները հենց այս միջոցին հավաքվել են այդտեղ:

Մի՞թե Ջալալը մեր գալուստը գիտեր:

ՀԱՄՏՈՒՆ. Ո՛չ, տեր իմ. նրանցից մի երկուսն յուր ազգակիցներն են, որոնք գրեթե միշտ գտնվում են իշխանի հետ, մյուսները հրավիրված են, որովհետև իշխանը հարսանիք ուներ:

ՋՈԼԱ. Հարսանի՞ք:

ՀԱՄՏՈՒՆ. Այո՛:

ՋՈԼԱ. Որդի՞ն է ամուսնացնում:

ՀԱՄՏՈՒՆ. Ո՛չ, տեր իմ. որդիքն անչափահաս են. նա ամուսնացնում է դուստրը:

ՋՈԼԱ. Ո՞ւմ հետ:

ՀԱՄՏՈՒՆ. Ձորագետի Ներսեհ իշխանի, որի համար ասացի թե՛ ձեր բանակը ջարդողն էր: Նա Ջալալի աղջիկն առնում է իբր մրցանակ յուր հաղթության:

ՋՈԼԱ. . Մի՞թե, ուրեմն մենք նրա համար ավելի լավ հարսանիք կանենք, քան կարող էր անել Հասան-Ջալալը:

ԲՈՒԲԱ . (խղճահարվելով) Բայց ինչ որ էլ լինի, հորեղբայր, պետք է խոստովանել որ մեր արշավանքը վատ ժամանակ պատահեց: Ես, գոնե, չէի կամենալ այսքան անգթաբար խանգարել մի ուրախություն: Ես խղճում եմ Չալալին:

ՉՈԼԱ . Քեզ պես երիտասարդին բնական է խղճահարվիլը, բայց երբ իմ հասակը կառնես, այն ժամանակ կցանկանաս ավելի արդարությամբ պատժել՝ քան թույությամբ խղճահարվիլ:

ՀԱՄՏՈՒՆ . Ճիշտ ես հրամայում, տեր, որովհետև Չալալը նույնպես կարող էր խղճալ ձեր գորքերին և չկոտորել տալ նրանց, բայց նա հակառակն արավ, համոզված լինելով թե՛ արդարությամբ պատժում է յուր թշնամիներին:

ՉՈԼԱ . Կեցցես, իշխան, դու արժանի ես Աղվանից տիրապետը լինելու, և ես այդ պատվին կարժանացնեմ քեզ: Միայն ասա, իրա՞վ, որ լսածիս չափ մեծ գանձեր ունի ձեր Չալալ–Տոլան:

ՀԱՄՏՈՒՆ . Գրեթե այնքան, որքան կարող էր ունենալ մեծափառ խանը:

ՉՈԼԱ . Ճշմարի՞տ:

ՀԱՄՏՈՒՆ . Ստե՛լ քո մեծության առաջ ինչպե՞ս կհամարձակվիմ:

ՉՈԼԱ . (ուրախությամբ) Ա՛հ, ուրեմն մենք այս բերդի ստորոտից հեշտությամբ չենք հեռանալ: Մենք կբանանք Չալալի սնդուկները և կհրամայենք հենց իրեն՝ իշխանին, փոխադրել յուր գանձերը մեր լայն քսակները:

ԲՈՒԲԱ . Հորեղբայր, միթե կարծում ես, թե այդ գանձերի մեջ կարող ես գտնել մի այնպիսի հազվագյուտ բան, որ մեր Թաթարստանը չունենա՞ր: Չարժե ուրեմն այդքան ուրախանալ այն բանի համար, որից ինքդ շատ ունիս:

ՉՈԼԱ . Երիտասարդ ես, Բուրա, երիտասարդ: Երբ ինձ պես վաթսուն տարիքը կառնես, այն ժամանակ, եթե կենդանի լինեմ, կհարցնեմ . «Ինչպե՞ս է, որդի քո բարեկամությունը ոսկվո՞ հետ», և դու կպատասխանես՝ «մտերմական է, հորեղբայր»:

ՀԱՄՏՈՒՆ . (Բուրային) Չալալի գանձերի մեջ, տեր-Նուին, դուք, արդարև, չեք գտնիլ այնպիսի մի հազվագյուտ բան, որից հարուստ Թաթարստանը չունենար, բայց յուր սնդուկներից դուրս նա ունի մի այնպիսի գանձ, որի նմանը, արդարև, մեծ Թաթարստանը չունի. և արժե, տեր, որ այդ գանձը դո՛ւ ունենաս:

ՉՈԼԱ . (հետաքրքրությամբ) Ինչպիսի՞ գանձ է այդ:

ՀԱՄՏՈՒՆ . Մի աղջիկ, որ հրեշտակից ավելի գեղեցիկ է և արշալույսից ավելի հրաշալի:

ՉՈԼԱ . (տեղը հանգստանալով) Ա՛, հասկացա, դատարկ բան է:

ԲՈՒԲԱ . (լարված հետաքրքրությամբ) Մի աղջիկ, որ հրեշտակից ավելի գեղեցիկ է և արշալույսից ավելի հրաշալի՞, և անո՞ւնը...

ՀԱՄՏՈՒՆ . Ռուզան:

ԲՈՒԲԱ . Որ դեռ ամուսնացած չէ՞:

ՀԱՄՏՈՒՆ . Որի հարսանիքն էր այս օրերս, բայց այդ հարսանիքը ձեր գալովը խանգարվեց:

ԲՈՒԲԱ . Ասացիր, որ շա՞տ է գեղեցիկ:

ՀԱՄՏՈՒՆ . Ամբողջ Թաթարստանը կնախանձի քեզ, տեր, եթե նրան քո ամուսին տեսնես:

ԲՈՒԲԱ . (ոգևորված) Այդ գեղեցկուհին ինը կլինի: Եթե բոլոր աշխարհն անգամ ինձ ընդդիմանա, այսուամենայնիվ, ես նրան կառնեմ: (Դառնալով դեպի Չոլան) Հորեղբայր, ի՞նչ կասեիր, եթե ես իմ հոր՝ Չարմաղանի կողմից հրամայեի բերդի պաշարումը վերցնել և Չալալ իշխանի դուստրը ինձ կնության առնելով՝ բարեկամություն հաստատեի նրա հետ և մեր գորքերը նրա երկրից հանեի:

ՀԱՄՏՈՒՆ . (ինքն իրեն վախեցած) Ի՞նչ է ասում...

ՉՈԼԱ . (նեղանալով) Հապա ո՞ր կմնա քո հոր գորքերի ջարդվելու վրեժը և այս բանակի այսքան ժամանակ հոգնեցնելու արդյունքը:

ՀԱՄՏՈՒՆ . (Բուրային) Տեր-Նուին, Ռուզանն առանց այն էլ քոնը կլինի, բայց պետք է քո հոր համար էլ բաժին տանես Չալալի գանձերից: Առանց օժիտի աղջիկ չեն առնիլ, այն էլ ամենահարուստ հայ իշխանի աղջիկը:

ԲՈՒԲԱ . Իրավունք ունիս: Բայց քանի որ, քո ասելով, այդքան գորություն կա Չալալի բերդում, ուրեմն ո՛չ մեր գորքերը նրա բերդը կառնեն, և ո՛չ էլ ես՝ նրա աղջիկը:

ՀԱՄՏՈՒՆ . Երկար պաշարումը կստիպե նրանց անձնատուր լինել:

ԲՈՒԲԱ . Նախ՝ մենք չենք կարող երկար ամիսներով նստել այս բերդի տակ:

Երկրորդ պաշարյալները կարող են համառիլ և սովից մեռնիլ:

ՉՈԼԱ . Ավելի լավ. թող բոլորը կոտորվին: Այն ժամանակ մեր գորքերը

անաշխատ կանոնն բերդը:

ԲՈՒՐԱ . Բայց ես չեմ կամենում, որ այն աղջիկը ևս սովից մեռնի ամբողջում:

ՀԱՄՏՈՒՆ . Ուրեմն, եթե ինձ կլսեք, ես ձեզ կտամ մի խորհուրդ, որով

հեշտությամբ ձեր նպատակին կհասնեք:

ՋՈԼԱ . Ասա՛ տեսնեմ:

ՀԱՄՏՈՒՆ . Հրամայեցեք այս շրջակա հայ գյուղերից հավաքել հազար հոգի,

կին թե տղամարդ, աղջիկ թե երիտասարդ, մանուկ թե ծեր: Դրանց բոլորին

ձեռնակապ կանգնեցնել տվեք այս հովտում, որ հանդիպակաց է Ջալալի

պալատին: Հազար կապյալների ետևում թող կանգնեն հազար սուսերամերկ

գինվորներ: Ապա պատգամ ուղարկեցեք հալալին և հայտնեցեք նրան ձեր

մեծությանց հրամանը, այն է՝ հանձնել ձեզ բերդը և յուր դուստրը: Եթե

կհամաձայնի՝ բարի, եթե ոչ հենց որ պատգամավորը կվերադառնա

բացասական պատասխանով, իսկույն կհրամայեք հազար կապյալները

կոտորել: Այս միջոցը դուք գործ կդնեք ամեն օր, մինչև որ կամ Ջալալը, յուր

հպատակների կոտորածը դադարեցնելու համար կհանձնե ձեզ բերդը և կամ

ներսի իշխանները ապստամբելով՝ ամբողջ կնաստնեն ձեզ:

ԲՈՒՐԱ . Այդ հնարը լավ է, բայց չափազանց անգութ է:

ՀԱՄՏՈՒՆ . Քո մեծությունը չէ ճանաչում հայի համատությունը:

ՋՈԼԱ . Անշուշտ, որովհետև այս առաջին անգամն է, որ սա գործ ունի ձեր

կամակոր ազգի հետ:

ԲՈՒՐԱ . Լավ, թող այդպես լինի:

ՋՈԼԱ . (դառնալով յուր թիկնապահին) Ջափա՛ր, շուտով հասիր մեր պաշարող

գորքերին և ասա Գիուգ գորապետին, որ հարձակումը դադրեցնե. ապա թող

գյուղերից ժողովել տա հազար հոգի և ամեն բան կարգադրե այնպես, ինչպես

իշխանն ասաց: Դեհ, շուտ:

ՋԱՓԱՐ . Այս բոպեին, տե՛ր: (Դուրս է գնում):

ՏԵՍԻԼ Բ

Առաջիններն և մի բարապան

ԲԱՐԱՊԱՆ . (ներս մտնելով) Պայծառափայլ տյարք, ձեր մեծությանց ներկայանալու համար եկել են Ջալալ իշխանի մարդիկն՝ ընծաներով, կիրամայե՛ք ընդունել և բերել նրանց այստեղ:

ՋՈԼԱ . Ընդունի՛ր: (Բարապանը դուրս է գնում) Անշուշտ խաղաղություն խնդրելու համար են եկել: Բայց ես նրանց և ոչ մի առաջարկությունը պիտի ընդունեմ: Ինձ հարկավոր է Ջալալի ամրոցն, որ այս երկրի ապստամբության ծննդարանն է, և որն ես հիմնահատակ պիտի անեմ: Իսկ իշխանի գանձերն առանց յուր բարեհաճ կամացն իսկ մերը կլինին: Այս բերվածները դեռ կընդունինք իբրև առհավատչյա:

ՀԱՄՏՈՒՆ . Այո՛ տեր, դուք գրկած կլինիք ձեր բանակը հարուստ ավարից և ձեր քսակներն՝ անգին գանձերից, եթե նրա խաղաղության առաջարկությունն ընդունեք, կամ բավականանաք նրա դրկած ընծաներով, որոնք, անշուշտ, ոչ այլ ինչ են, եթե ոչ նրա իշխանագն հյուրերի գրպանների թափթփունքը:

ԲՈՒՐԱ . Իսկ որ ամենից ավելի է, մինչև որ նրա դուստր Ռուզանն իմ վրանը չբերվի, և ոչ մի խաղաղության դաշն պիտի կովի: Ռուզանն առնելուց ետ՝ մենք ձեռք չենք տալ նրա ամրոցին. ես իմ հոր անունով կշնորհեմ Ջալալին յուր ազատ իշխանությունը:

ՋՈԼԱ . Բուրա՛, ուրեմն դու կամենում ես իմ դիտավորությունը խանգարե՞լ և մի հայի աղջկա համար զոհում ես պատիվը քո հոր, որի զորքերը հենց այս իշխանի հրամանով այնպես անգթաբար ջարդվեցան, և որոնց վրեժը դու պարտավոր ես լուծել:

ԲՈՒՐԱ . Դու արյուն խմելով ես ծերացել, Չուլա հորեղբրայր, և չես կշտանալ, եթե երկրի երեսի բոլոր քրիստոնյաների արյունը ծծես: Բայց ես բավական եմ համարում այն կոտորածն, որ մինչև այստեղ հասնելնիս մեր զորքերն արին: Այդ էլ բավական մեծ վրեժ էր մեր ջարդված զորքի համար: Ես վճռել եմ:

ՀԱՄՏՈՒՆ . Տեր-Նուին, եթե դու այս անգամ հաճիս Ջալալին շնորհել յուր իշխանությունը, դրանով այս կողմերում թաթարաց համար կպատրաստես մի անպարտելի թշնամի: Եթե Ջալալն այժմ խաղաղություն է խնդրում, այդ նրա համար է, որ ձեր բանակները հանկարծ վրա հասան, և նա խնջույքով

պարապած լինելով՝ ժամանակ չունեցավ պատրաստվելու: Բայց եթե նրա աշալուրջ ժամանակ այս երկիրը մտնեիք, դուք այստեղ կգտնեիք այնպիսի դիմադրություն, որի նմանին թաթարը չէ հանդիպել ոչ մի տեղ:

ՋՈԼԱ . (Բուրային) Ինչպե՞ս ես գտնում այս հայի խորհուրդը, որ ինձանից ու քեզանից ավելի լավ է ճանաչում յուր ազգն ու իշխաններին:

ԲՈՒԲԱ . (անուշադիր աչքերը խորանի դռանը սևեռած) Քո խոստման համաձայն՝ իրեն նպաստավոր, իսկ մեզ՝ աննպաստ: Բայց ահա գալիս է Չալալի պատգամավորը, թող նրան լսենք:

ՀԱՄՏՈՒՆ . (ինքն իրեն) Չէ հաջողվում: Ի՞նչ հիմարություն արի Ռուզանի անունը հիշելով: (Դեպի դուռը): Ա՛հ Չաքարե իշխանը...

ՏԵՄԻԼ Գ

Առաջիններն, Չաքարե, հինգ ընծայակիրների և մի դրոշակի հետ

ՋԱՔԱՐԵ . (մտնելով և խորը գլուխ տալով, որի ժամանակ դրոշակիրը դրոշը խոնարհում և այնպես պահում է մինչև. խոսակցության վերջը: Տեր-գորապես, տե՛ր Նուին, իշխան Հասան-Չալալ-Տոլան խոնարհ բարեկամությամբ ողջունում է ձեր մեծությանց մուտքը մեր երկիրը: Եթե այսօրվանից ձեր մի քանի գունդերը հարձակված չլինեին մեր բերդի վրա, մենք ձեր գալուստը կընդունեինք իբրև շնորհաբեր այցելություն խանի հեռավոր կալվածներին:

– Բայց որովհետև այդ հարձակումը տեղի ունեցավ, ուստի մենք ստիպվեցանք պաշտպանվել: Բայց իշխան Չալալ-Տոլան բնավ չէ ցանկանում սրով դիմադրել խանի գորքերին, ըստ որում նրան ծանոթ է ձեր սրի ուժը և հաջողությունը: Ուստի խոնարհելով ձեր գործության առաջ, իմ բերանով խնդրում է, որ բարեհաճեք նվիրել իրեն ձեր թանկագին բարեկամությունը և յուր երկրից հանել ձեր գորքերը: Դրա փոխարեն նա խոստանում է յուրաքանչյուր տարի վճարել վեհափառ խանին ձեր կողմից որոշված հարկը: Իսկ առայժմ խնդրում է ընդունել այս (ցույց տալով ընծաները) առհավատչյան:

ՋՈԼԱ . Ես ընդունում եմ Հասան-Չալալի ուղարկած ընծաները.

(ընծայակիրներն ընծաները դնում են գետնին) և նրա խոնարհած դրոշը. բայց

սպասում եմ, նաև, բերդի բանալիներին և յուր դուստր Ռուզանին, իմ եղբորորդի Բուրա-Նուիին (ցույց տալով Բուրային) կնության համար: Սրանք դրկելուց ետ՝ նա յուր իշխաններով կիջնե իմ բանակը՝ անձամբ յուր իշխանությունը իմ ձեռք հանձնելու, որովհետև ես այն պիտի տամ առավել արժանավոր (ցույց տալով Համտունին) մարդու...

ՉԱՔԱՐԵ. (խոնարհաժ դրոշը խլելով, կանգնում է հաղթական ձևով և սպասում է Համտունին, որին մինչև այն չէր նշմարել) Ա՛... դու այստե՞ղ ես... այդ դո՞ ծանոթացրիք նրանց Չալալի դստեր հետ:

ՀԱՄՏՈՒՆ. (իբր անտարբերությամբ) Այո՛:

ՉԱՔԱՐԵ. Եվ ո՞ր սատանան ներշնչեց քո մեջ այդ գարշելի մատնությունը :

ՀԱՄՏՈՒՆ. Նա, որին դու քեզ եղբայր ես անվանում:

ՉԱՔԱՐԵ. Թող դժոխքը վարձատրե քեզ, հայրենիքի դավաճան:

ՉՈԼԱ. (Չաքարեին) Իմ ներկայությամբ համարձակվում ես հայիոյել իմ հյուրի՞ն:

ՉԱՔԱՐԵ. Ես հայիոյում եմ վատարանց մատնիչին:

ԲՈՒՐԱ. Պատգամավոր, դու ուշանում ես. քո իշխանն սպասում է քեզ: Գնա՛ և հայտնիք նրան Չոլա գորապետի պատասխանը: Իսկ իմ՝ Չարմաղանի որդվո Բուրա-Նուիին կողմից ավելացրու, որ ես իմ հոր անունով կշնորհեմ Չալալին յուր ազատ իշխանությունը, եթե միայն նա կհամաձայնվի կնության տալ ինձ յուր Ռուզան դուստրը: Իսկ եթե ոչ, հենց որ մեր պատգամավորը կվերադառնա բացասական պատասխանով, մենք կսկսենք կոտորել ա՛յն հազար կապյալները, որ այդ իսկ նպատակով ժողովել պիտի տանք այստեղ: Եվ այդ կոտորածը մենք կշարունակենք ամեն օր, մինչև որ Չալալը կգիշանի մեր կամքին: Այժմ ազատ ես, գնա՛: (Դառնալով յուր թիկնապահին): Աբու, ընկերացի՛ր պատգամավորին և նրա իշխանի պատասխանը բեր մեզ շուտով:

ԱԲՈՒ. Գլխիս վրա, տեր:

ՉՈԼԱ. (հուզված) Բուրա, դու շատ ողորմածությամբ ես վարվում քո հորդ անարգող թշնամու հետ:

ԲՈՒՐԱ. Ես այդպես եմ կամենում: (Չաքարեին): Դու ազատ ես (Չաքարեն դրոշակը ձեռքին շրջում է ելնելու յուրայիններով):

ՉՈԼԱ. (բարկությամբ Չաքարեին) Կամակո՛ր հայ, դու շլտեցի՛ր, երբ քեզ

ասացի թե՛ ընդունում եմ ընծաները . . .

ՉԱՔԱՐԵ . (ցույց տալով ընծաները) Ահա՛ ընծաները:

ՉՈԼԱ. Եվ դրոշակը:

ՉԱՔԱՐԵ . Երբ իմ իշխանապետի առաջարկությունը չհղունեցիք, դրոշակն ազատ ետ պիտի դարձնեմ նրան:

ՉՈԼԱ. (կատաղությամբ) Հանդգնում ես մինչև այդտեղ (թիկնապահ Աբուին):

Առ դրա ձեռքից այդ դրոշակը: (Թիկնապահը մոտենում է խլելու):

ՉԱՔԱՐԵ. (ձախ ձեռքով մի կողմը հրելով թիկնապահին) Հեռո՛ւ այդ պիղծ ձեռքերով... առաջ հոգիս այս մարմնից, հետո դրոշակն իմ ձեռքից:

ՉՈԼԱ . Հոգիդ կքաղեն հենց այս րոպեին: (Կոչելով դեպի դուրսը): Չինվորներ՝ (Ներս են թափվում մի քանի սուսերամերկ զինվորներ): Սատակեցե՛ք այդ անզգամին: (Չինվորները բարձրացնում են սրերը, Չաքարեն աներկյուղ կանգնած է նրանց մեջ):

ԲՈՒԲԱ . (շտապով վեր թռչելով տեղից և բարկացած դեպի զինվորները գոչելով) Դարձե՛ք սրերդ իրենց պատյանները: (Չուային): Հորեղբայր, ինչո՞ւ չես հարգում զինաթափ ծերությունը: Մի՞թե մենք իրավունք ունինք սպանել ա՛յն մարդուն, որ մեր մեծահզորության վրա վստահանալով՝ մտել է մեր վրանը իբրև մի ապահով տեղ: (Չինվորներին): Դո՛ւրս կորեք և չհամարձակվեք այսուհետև սուր բարձրացնել անգեն մարդու վրա: (Չինվորները դուրս են գնում):

ՉՈԼԱ. (բարկությամբ և ինքն իրեն) Ահա՛ իմ եղբոր անմտության հետևանքը... ո՞վ է տեսել, որ մի համբակ այս իրավունքը բանեցնե...

ՉԱՔԱՐԵ. (Բուրային) Գերագնիվ տեր, մատուցանում եմ քեզ իմ անկեղծ հարգանքը: Դու արժանի ես իշխելու, որովհետև մեծահոգի ես և գիտես հարգել պատգամավորի իրավունքը: Եթե մենք սուր ի ձեռին կովելու լինինք քո դեմ, դարձյալ քո արժանիքը պիտի մեծագրենք . . . մնաս բարյավ: (Դուրս է գնում յուրայիններով):

ՉՈԼԱ . (բարկությամբ բորբոքված) Բուրա՛, դու անարգեցիք քո հորեղբորն օտարի և յուրայինների առաջ:

ԲՈՒԲԱ. Ընդհակառակը, հորեղբայր, ես քեզ ազատեցի մի անպատվությունից, որ նաև մեր սուրն ու անունը պիտի արատավորեր:

ՀԱՄՏՈՒՆ. (ինքն իրեն) Այս էլ բավական է, որ Չալալի աղջկան Թաթարստան

Կողարկեմ:

Վարագույր